



„ჩინგური საქაბთუღლა, სიბუბი ჩუნ ჯაბთ ყულაბ“

ქობისი

გაგორის 1923 წლის 1 მაისიდან

სენაკის მუნიციპალიტეტის თავისუფალი გაზეთი

2023 წელი • №17-18 (9559-560) • 1-30 სექტემბერი • ფასი 1 ლარი და 40 თეთრი



გილოცავთ!

ახალი სასწავლო წლის დაწყებას ვულოცავთ მუნიციპალიტეტის საგანმანათლებლო სფეროს ყველა მუშაკს, ლექტორ-მასწავლებლებს, აღსაზრდელებს, მოსწავლეებს, სტუდენტებს.

ახალგაზრდებო! თქვენ ხართ სამშობლოს დასაყრდენი, ყველაზე დიდი განძი და იმედი, ამ იმედს კი გამართლება უნდა. ამიტომ უნდა ეცადოთ გადალახოთ ყველა ბარიერი და გახდეთ განათლებული, განსწავლული, სულიერად და გონებრივად ჯანსაღი თაობა, რომ შეძლოთ იმ ტვირთის ღირსეულად ტარება, რასაც მამულისთვის მსახურება ჰქვია.



ფოტობიექტივშია სკოლები და სკოლამდელი აღზრდის კერები 15 სექტემბერი



18 სექტემბერი

მუნიციპალიტეტის რესურსცენტრის მონაცემები ციფრებში

სენაკის საგანმანათლებლო რესურსცენტრის სამოქმედო ტერიტორიაზე არის 26 სკოლა, აქედან 20 საჯარო და 6 კერძო სკოლა, მიმდინარე წელს პირველ კლასში დარეგისტრირდა 333 მოსწავლე, საჯარო სკოლაში დარეგისტრირებულ პირველკლასელებს გადაეცა კომპიუტერები, ასევე პირველკლასელთა დამრიგებლებმა მიიღეს 27 კომპიუტერი, 2022-2023 სასწავლო წლის წარჩინებულ კურსდამთავრებულებს, რომელთა რაოდენობა შეადგენს 47-ს, უახლოეს მომავალში „ჩემი პირველი კომპიუტერის ფარგლებში“ საჩუქრად გადაეცემათ პორტაბელური კომპიუტერები.

უფროსი მასწავლებლების რაოდენობა დღეის მდგომარეობით არის - 469, წამყვანი მასწავლებელი - 51, მენტორი მასწავლებელი - 2

მიმდინარე წელს 100%-იანი გრანტის მფლობელი გახდა - 7 აბიტურიენტი, 70%-იანი გრანტის მფლობელი - 14, 50%-იანი გრანტის მფლობელი - 38 .



ჩვენი ქვეყნის სიამაყე

საუდის არაბეთში გამართული ძალოსანთა მსოფლიო ჩემპიონატი საქართველოს ჰიმნით დაიხურა! ლაშა ტალახაძემ თავის მე-7 მსოფლიო ჩემპიონატზე ტიტული კვლავ 3 ოქროს მედლით შეინარჩუნა და მსოფლიოს კიდევ ერთხელ დაანახა, რომ უძლეველია! ტალახაძემ ატაცა 208/2015/220 კგ. დაძლია და მიმდინარე ჩემპიონატზე პირველი ოქროს მედალი მოიპოვა!

ასევე საუკეთესო გამოდგა აკვრაში დაძლეული 245/253 კილოგრამითაც და კიდევ ერთ ოქროს მედალს დაეუფლა. რა თქმა უნდა, ორჭიდში მოგროვილი 473 კილოგრამიც ოქროს მედლის მომტანი გახდა! ლაშა ტალახაძე ქართული სპორტის ისტორიაში ერთადერთია, ვინც მე-7 მსოფლიო ჩემპიონატზე გამარჯვება იზეიმა!

ახალი სასწავლო წელი დაიწყო



სენაკის მუნიციპალიტეტის 20 საჯარო და 6 კერძო სკოლაში ახალი სასწავლო წელი დაიწყო. ახალი სასწავლო წლის დაწყება მოსწავლეებს, პედაგოგებსა და მშობლებს, მუნიციპალიტეტის პირველ, მესამე, კოტიანეთის სკოლებსა და კერძო სკოლა ლიცეუმში, სენაკის მუნიციპალიტეტის მერიის ადმინისტრაციული სამსახურის უფროსმა, ნანა ზარანდიამ, განათლების, კულტურის, სპორტისა და ახალგაზრდობის სამსახურის უფროსმა, გივი მისაბიშვილმა, მუნიციპალიტეტის საკრებულოს თავმჯდომარის პირველმა მოადგილემ, ლევან უჩანავიშვილმა, თავმჯდომარის

მოადგილემ, ზაზა ნაჭყებია, საკრებულოს სოციალურ საკითხთა კომისიის თავმჯდომარემ, ინგა ქარდავამ, სამანდატო, საპროცედურო საკითხთა და ეთიკის კომისიის თავმჯდომარემ, ირაკლი კალანდარიშვილმა, საკრებულოს ფრაქცია „ქართული ოცნება – დემოკრატიული საქართველო“ თავმჯდომარემ, ლევან ჯინორიამ, ფრაქციის თავმჯდომარის მოადგილემ, ზაზა ყურაშვილმა, საგანმანათლებლო რესურსცენტრის უფროსმა, დარეჯან ზარანდიამ მიულოცეს.

მუნიციპალიტეტის სკოლები სრულ მზადყოფნაშია, გამართულია ინფრასტრუქტურა. ყველა მოსწავლისთვის გათვალისწინებულია სახელმძღვანელოები და პირველკლასელთათვის - ბუკები. მიმდინარე სასწავლო წელს, პირველ კლასში დარეგისტრირებულ მუნიციპალიტეტის საჯარო სკოლების 333 მოსწავლეს საჩუქრად პერსონალური კომპიუტერები გადაეცათ; საჯარო სკოლების ყველა მოსწავლე უზრუნველყოფილია უფასო სახელმძღვანელოებით; სკოლებს ასევე გადაეცათ კომპიუტერული ტექნიკა და სხვა სასწავლო რესურსები;

მოსწავლეთა ტრანსპორტით მომსახურების პროგრამაში 1 663 მოსწავლე ჩაერთო; 253 პედაგოგის ტრანსპორტირებაზე, ადგილობრივი ბიუჯეტიდან, გამოიყო 60 000 ლარი; 2022-2023 სასწავლო წლის საბაზო საფეხურის 47 წარჩინებული მოსწავლე, პროგრამის - „ჩემი პირველი კომპიუტერი“ ფარგლებში, საჩუქრად კომპიუტერებს მიიღეს; დასრულდა არნოლდ ჩიქობავას სახელობის ძველი სენაკის საჯარო სკოლის სრული რეაბილიტაცია; დასრულების ეტაპზეა ნოსორის საჯარო სკოლის სრული რეაბილიტაციის პროცესი; იწყება გენო ადამიას სახელობის I, ვიუ-ლი შარტავას სახელობის II, ასევე ხორშის ადმინისტრაციული ერთეულის საჯარო სკოლების სრული რეაბილიტაცია; ასევე დაიწყება III საჯარო სკოლის მშენებლობის პროცესი.

საბავშვო ბაგა-ბალებში

სენაკის მუნიციპალიტეტის 27 საბავშვო და ბაგა-ბალებში, სასწავლო-სააღმზრდელო წელი, განახლებული ინფრასტრუქტურით და მნიშვნელოვნად გაუმჯობესებული პირობებით დაიწყო. სენაკის მუნიციპალიტეტის მერმა, ვახტანგ გადელიამ, ადმინისტრაციული სამსახურის უფროსთან, ნანა ზარანდიასთან, განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან, მუნიციპალიტეტის საკრებულოს სოციალურ საკითხთა კომისიის თავმჯდომარესთან, ინგა ქარდავასთან, სკოლამდელი აღზრდის გაერთიანების დირექტორთან ალექსანდრე ჯანჯღავასთან ერთად, მუნიციპალიტეტის საბავშვო და ბაგა-ბალების აღსაზრდელებს ახალი სასწავლო-სააღმზრდელო წლის დაწყება მიულოცა. „ახალი სასწავლო-სააღმზრდელო წლის დაწყებას გილოცავთ. ბავშვების განათლება და განვითარება ბალიდან იწყება - ვაშენებთ, ვარემონტებთ ბალებს, ვაუმჯობესებთ პირობებს, რათა პატარებს და მათ აღზრდელებს სათანადო გარემო შევუქმნათ. ამ დროისთვის მიმდინარეობს ოთხი ახალი ბა-



გა-ბაღის მშენებლობა. დავინწყეთ ძველი სენაკის, ფოცხოსა და ლეძაძამეს საბავშვო ბაღების ახალი კორპუსების მშენებლობა; დასრულების ეტაპზეა მესამე ბაგა-ბაღის მშენებლობის პროცესი. მეოთხე ბაგა-ბაღში ასევე მოვანწყეთ სპორტული მოედანი. ბაღების მშენებლობა-რეაბილიტაციის პროგრამა რამდენიმე ეტაპად განხორციელდება. განახლების ეს პროცესი შეუქცევადი იქნება. წარმატებულ, სიახლეებით აღსავსე, ნაყოფიერ სააღმზრდელო წელს გისურვებთ“ - აღნიშნა ვახტანგ გადელიამ. მიმდინარე სააღმზრდელო წელს, 900-მდე აღსაზრდელს კეთილმოწყობილი და სტანდარტების შესაბამისი გარემო დახვდა. (გაგრძელება გვ. 3)

მოსწავლე ოქკენია პირველკლასელები

ნინია ფირცხალავა



ეს თვალეზბატულა, ლამაზი გოგო ეროვნული გმირის შიული შარტავას სახელობის მეორე საჯარო სკოლის პირველკლასელი ნინია ფირცხალავაა, ძალიან მკვირცხლი, მახვილი გონებისა და საღი აზროვნების ბავშვია. იცის ბევრი ლექსი, ზღაპარი, უყვარს ცეკვა, სიმღერა, სპორტული თამაშები.

ნინიას ძალიან გაუჭირდა ბალთან (№ 1 საბავშვო ბაღი), საყვარელ მასწავლებლებთან, მეგობრებთან განშორება, მაგრამ მანაც სკოლაში წასვლა ურჩევნია.

უეჭველად ნიჭიერი გოგონა გამოავლენს თავის შესაძლებლობებს პედაგოგ მეგი გრიგოლისთან და წარჩინებული მოსწავლე იქნება. საგნებთან ერთად სკოლაში შეისწავლის თანატოლების დაფასებას, უფროსების შეხედულებების და აზრების პატივისცემას.

დედ-მამა, ბებიები და ბაბუები ულოცავენ ნინიას სასწავლო წლის დაწყებას და პირველ ნაბიჯებს ცოდნის მოსაპოვებელ გზაზე.

დავით გოჭაძე

დავითი დედ-მამის, ბებია-ბაბუის ნებიერა ბიჭია, ცოცხალი, მიზანდასახული, მოსიყვარულე. ფიზიკურად და გონებრივად განვითარებული, არის ზრდილობიანი, თავაზიანი.

დავითი კერძო სკოლა „აპოდიქსის“ პირველი კლასის მოსწავლეა. დედა თეა თავთაქიშვილი ამავე სკოლის დაწყებითი კლასის მასწავლებელი, ამიტომ ისინი სკოლისაკენ მიმავალ გზას დილით ერთად მიუყვებიან, დავითი გზადაგზა უყვება მას ახალ მეგობრებთან, პირველ მასწავლებელთან ურთიერთობის ამბებს. ძალიან მოსწონს ისინი, სწამს, სკოლაში დიდი ცოდნას და გამოცდილებას მიიღებს.

ბებია და ბაბუა სკოლაში წასვლას ულოცავენ უსაყვარლეს შვილიშვილს და უსურვებენ ცოდნის გზაზე დიდი წარმატებებს.



მარიამ კვირია




ლაურა არახამიას და გია კვირიაის ნებიერა ქალიშვილი მარიამი „უკვე დიდი“ გოგოა, ჭკვიანი, ბეჯითი, შრომისმოყვარე. უყვარს მეცადინეობა, არის ყურადღებიანი და მონესრიგებული, მშვიდი და განონანსორებული. პატივს სცემს უფროსებს. ცნობს ანბანის ყველა ასოს. დამოუკიდებლად კითხვაც შეუძლია. ყველაფერი კი ქალაქის № 6 ბაღში ისწავლა.

საყვარელი სათამაშოები სასკოლო ნივთებმა: ნიგნებმა, რვეულებმა, ფერადმა ფანქრებმა ჩაანაცვლეს.

15 სექტემბერს ახალი ფურცელი გადაიშალა მარიამის ბიოგრაფიაში. სკოლა „მარიოტაში“ გადადგა პირველი ნაბიჯები, პირველი მასწავლებლის, ლალი გრიგოლის ხელმძღვანელობით ცოდნის მოსაპოვებელ გზაზე.

მშობლები ქალიშვილს სასწავლო წლის დაწყებას ულოცავენ და უსურვებენ წარმატებებს ამ მეტად რთულ და საინტერესო გზაზე.



ანდრია ჭოჭუა

საზრიანი, გონებაგახსნილი, ჭკვიანი, კომუნიკაბელური, ხალისიანი, მოსიყვარულე - ასე ახასიათებენ ანდრია ჯოჯუას, რომელმაც წელს პირველად შეალო ლეძაძამეს საჯარო სკოლის კარები.

შარშან, როცა მისი ტყუპი ძმები -გაბრიელი და დანიელი- პირველკლასელები გახდნენ, მასაც გაუჩნდა ინტერესი სკოლისადმი, ერთი წელი მოლოდინის რეჟიმში გაატარა, და აი, დადგა ნანატრი დღეც, როცა თანატოლებთან ერთად

სასკოლო მერხს მიუჯდა და ყურადღება პირველ მასწავლებლს, ქალბატონი მანონი თედორაძეს მიაპყრო. მისი სურვილია კარგად ისწავლოს და მშობლების, ახლობლების იმედები გაამართლოს.

ვულოცავთ ანდრიას სასწავლო წლის დაწყებას, ვუსურვებთ სწავლითა და ყოფაქცევით იყოს გამორჩეული, რათა ღირსეულ მოქალაქედ, მამულოშვილად ჩამოყალიბდეს.



დემეტრე მისხი

დემეტრე 15 სექტემბერს პირველად მიუჯდა სასკოლო მერხს და პირველად განიცადა დიდი ემოცია და სიხარული, რასაც პირველკლასელობა ჰქვია. სკოლაში პირველი მასწავლებელი მეგი გრიგოლია და ახალი მეგობრები დახვდა.

დემეტრე მახვილი გონების და საღი აზროვნების ბავშვია. იცის წერა, კითხვა. გამოირჩევა სწრაფი აზროვნებით, ადვილად სწავლობს ლექსებს, № 1 საბავშვო ბაღის უფროს ჯგუფში ანბანთან ერთად შეისწავლა საწყის

სი ეტაპისათვის საინტერესო საჭირო მათემატიკური მოქმედებანი, უყვარს კომპიუტერული თამაშები, ფეხბურთი.

საზღვარგარეთ მყოფ მამას სოციალური ქსელით ეკონტაქტება, მას პირობა მისცა, რომ სკოლაში კარგად ისწავლის და მშობლებს გაახარებს.

დედ-მამა მანანა ლაშქარავა და ლევან მისხი სკოლაში წასვლას ულოცავენ თვითონ პირმშოს და უსურვებენ უფლის წყალობას, წარმატებულ სწავლას, მშვიდობიან ზეცას.

ბრიტანულ საზაფხულო სკოლაში



გვახარებს, რომ მუნიციპალიტეტის წარჩინებული მოსწავლეების რაოდენობა იზრდება. ამჯერად თქვენს ყურადღებას შევაჩერებთ ქალაქის მეშვიდე საჯარო სკოლის მოსწავლე ნია მალანიაზე.

ნია ბეჯითი, შრომისმოყვარე, მიზანდასახული გოგონაა. ის ივნისში გამართული TOEFL -ის ინგლისური ენის საერთაშორისო ოლიმპიადის გამარჯვებულია.

ნია, როგორც გამარჯვებულმა, ორი კვირა დაჰყო ბრიტანულ საზაფხულო სკოლაში, სადაც მან დრო მეტად ნაყოფიერად და საინტერესოდ გაატარა და ჩართული იყო საზაფხულო სკოლის შეთავაზებულ ყველა აქტივობაში. მონაწილეობდა სპექტაკლში, იყო ჯგუფის ლიდერი.

ბანაკში ყოფნის პერიოდში ნიამ გააკეთა

პრეზენტაცია თემაზე - „მომავალში ვინ გვინდა რომ გამოვიდეთ“. ხოლო მისმა გუნდმა პირველი ადგილი დაიკავა - თამაში „კითხვებზე - პასუხი“ (Quidditch).

მოსწავლის ინგლისური ენის პედაგოგი გურანდა ვახანია გახლავთ, რომელიც ნიას წარმატებით ამაცობს.

მ. ჭუბაბრია

შეხვედრა 100-ანი გრანტის მფლობელებთან



მიულოცა. „ჩვენი ახალგაზრდების უმთავრესი ღირებულება ცოდნაა. განათლების მიღებაზე მოტივირებული თაობა კი ქვეყნის უკეთესი მომავლის ფუნდამენტი. თქვენს ცხოვრებაში პროფესიული განვითარების ახალი ეტაპი იწყება. წარმატებებს გისურვებთ პროფესიულ სრულყოფაში, ჩვენი ქვეყნის საკეთილდღეოდ. ჩემი დიდი სურვილია, წლების შემდეგ, დაუბრუნდეთ მშობლიურ სენაკს და თქვენი პროფესიონალიზმი მის განვითარებას მოახმაროთ“ - აღნიშნა შეხვედრაზე მუნიციპალიტეტის მერმა, ვახტანგ გადელიამ. სენაკის მუნიციპალიტეტის მერია ეროვნულ გამოცდებში ყველაზე მაღალი რეიტინგის მქონე წარმატებულ ახალგაზრდებს ფულად ჯილდოს გადასცემს.

სენაკის მუნიციპალიტეტის მერი, ვახტანგ გადელია, განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან ერთად, 100%-იანი გრანტის მფლობელ სენაკელ კურსდამთავრებულებს, ასევე, საჯარო და კერძო სკოლების დირექტორებს შეხვდა. 2023 წლის ეროვნულ გამოცდებზე 100%-იანი დაფინანსების გრანტი 8 კურსდამთავრებულმა მოიპოვა. მუნიციპალიტეტის მერმა, ახალგაზრდებს, რომლებმაც ეროვნულ გამოცდებზე საუკეთესო შედეგები აჩვენეს, მოპოვებული წარმატებები

რობისთვის“. მათმა პროექტმა, 80 პროექტს შორის მოიპოვა გამარჯვება და მიმდინარე წლის ოქტომბერში, ისინი ბელგიაში - ბრიუსელსა და ბრიუგეში გაემგზავრებიან. სენაკის მუნიციპალიტეტის მერიამ, წარმატებულ მოსწავლეებს, ნამახალისებელი ფულადი ჯილდოები გადასცა. ფულადი ჯილდოები ასევე გადაეცათ წმინდა ალექსი შუშანიას სახელობის მართლმადიდებლური სკოლა-გიმნაზიის მე-11 და მე-12 კლასების მოსწავლეებს: ნანა ჩიტაიას, მარიამ ანთიას და გიორგი შამათავას, რომელთაც მონაწილეობა მიიღეს მომავალ ლიდერთა გაცვლით პროგრამაში (FLEX) და პროგრამის გამარჯვებული მონაწილის სტატუსი მოიპოვეს. ისინი უკვე გაემგზავრნენ აშშ-ში სასწავლებლად.

ფულადი ჯილდო გადაეცათ

სენაკის მუნიციპალიტეტის მერი, ვახტანგ გადელია, N1 საჯარო სკოლის X კლასის მოსწავლეს, ანასტასია ჯანაშიას, ამავე სკოლის 2023 წლის კურსდამთავრებულს, ლიზი გვაძაბიას, წმინდა ალექსი შუშანიას სახელობის მართლმადიდებლური სკოლა-გიმნაზიის კურსდამთავრებულებს - ანა შამათავას და ნინი ქათამაძეს შეხვდა. მუნიციპალიტეტის მერმა, ახალგაზრდებს მიღწეული შედეგები მიულოცა და შემდგომი წარმატებები უსურვა.



N1 საჯარო სკოლის X კლასის მოსწავლემ, ანასტასია ჯანაშიამ, მონაწილეობა მიიღო საფრანგეთის ქალაქ სტრასბურგსა და გერმანიის ქალაქ შტუტგარტში გამართულ გაეროს პროექტში - „ლიდერი ახალგაზრდებისთვის.“ ამავე სკოლის 2023 წლის კურსდამთავრებული, ლიზი გვაძაბია, სრული დაფინანსებით ჩაირიცხა უნგრეთში, Pecs უნივერსიტეტში (University of pecs), არქიტექტურის -არქიტექტურული ინჟინერიის მიმართულებით; წმინდა ალექსი შუშანიას სახელობის მართლმადიდებლური სკოლა-გიმნაზიის კურსდამთავრებულმა, ანა შამათავამ და ნინი ქათამაძემ, პირველი ადგილი დაიკავეს გრიგოლ რობაქიძის სახელობის უნივერსიტეტის მიერ გამოცხადებულ კონკურსში - „ბავშვები თანასწო-

რობისთვის“. მათმა პროექტმა, 80 პროექტს შორის მოიპოვა გამარჯვება და მიმდინარე წლის ოქტომბერში, ისინი ბელგიაში - ბრიუსელსა და ბრიუგეში გაემგზავრებიან.

სენაკის მუნიციპალიტეტის მერიამ, წარმატებულ მოსწავლეებს, ნამახალისებელი ფულადი ჯილდოები გადასცა.

ფულადი ჯილდოები ასევე გადაეცათ წმინდა ალექსი შუშანიას სახელობის მართლმადიდებლური სკოლა-გიმნაზიის მე-11 და მე-12 კლასების მოსწავლეებს: ნანა ჩიტაიას, მარიამ ანთიას და გიორგი შამათავას, რომელთაც მონაწილეობა მიიღეს მომავალ ლიდერთა გაცვლით პროგრამაში (FLEX) და პროგრამის გამარჯვებული მონაწილის სტატუსი მოიპოვეს. ისინი უკვე გაემგზავრნენ აშშ-ში სასწავლებლად.

სენაკმა უმასპინძლა

მუნიციპალიტეტის მერიის ორგანიზებით, აკაკი ხორავას სახელობის სახელმწიფო პროფესიულ დრამატულ თეატრში, გაიმართა საღამო - შეხვედრა მონატრებულ ქალაქთან და მსმენელთან.



სენაკმა უმასპინძლა თავის ღირსეულ შვილს, ქართული თეატრალური საზოგადოების თვალსაჩინო წარმომადგენელს, კოტე მარჯანიშვილის სახელობის პრემიის ლაურეატს, კოტე მახარაძის სახელობის ტიტულის მფლობელს, სენაკის საპატიო მოქალაქეს, მურმან ჯინორიას.

საღამოს სენაკის მუნიციპალიტეტის მერი, ვახტანგ გადელია, მოადგილესთან, ლევან ელიავასთან, საკრებულოს თავმჯდომარის პირველ მოადგილესთან, ლევან უჩანეიშვილთან, მერიის ადმინისტრაციული სამსახურის უფროსთან, ნანა ზარანდიასთან, განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან, ადგილობრივი თვითმმართველობისა და საზოგადოების წარმომადგენლებთან ერთად დაესწრო.

საღამოს უძღვებოდა თეატრმცოდნე და ტელეწამყვანი, ნიკოლოზ ნულუკიძე.

საღამოს აკომპანირებას უწევდა პიანისტი, ნიკა ნიკვაშვილი და თბილისის ზაქარია ფალიაშვილის სახელობის ოპერისა და ბალეტის სახელმწიფო თეატრის სიმფონიური ორკესტრის პირველი ვიოლინო, ლელა მჭედლიძე.

შშმ პირთა საკითხებზე მომუშავე საბჭოს სხდომა გაიმართა



მონვევებზე, რაც შშმ პირთა უფლებების უზრუნველყოფის მიმართულებით არსებობს.

სენაკის სამხატვრო გალერეის საკონფერენციო დარბაზში, მუნიციპალიტეტის მერთან არსებული შეზღუდული შესაძლებლობის მქონე პირთა საკითხებზე მომუშავე საბჭოს მორიგი სხდომა გაიმართა.

სხდომაზე, საგრანტო კონკურსის ადმინისტრირების მიზნით, არჩეულ იქნა შეზღუდული შესაძლებლობის მქონე პირთა და ოჯახის წევრთა მხარდაჭერის მიზნით წარმოდგენილი პროექტების დაფინანსება/თანადაფინანსების შემფასებელი კომისიის შემადგენელი კომისიის წევრები, კომისიის თავმჯდომარე და მოადგილე.

სხდომაზე, მუნიციპალიტეტის მერმა, ვახტანგ გადელიამ, საბჭოს წევრებს, შშმ პირთა და ოჯახის წევრთა მხარდაჭერის მიზნით წარმოდგენილი პროექტების დაფინანსება/თანადაფინანსების შემფასებელი კომისიის დებულება გააცნო. მუნიციპალიტეტის მერმა აღნიშნა, შშმ პირების შესაძლებლობების განვითარებისა და რეალიზებისათვის მნიშვნელოვანია ისეთი პროექტებისა და ღონისძიებების განხორციელება, რომლებიც ხელს შეუწყობს საზოგადოებაში მათ სრულყოფილ ინტეგრაციას. ამასთან, ეფექტური იქნება, თუ პროექტები განხორციელდება შშმ პირთა საბჭოს, არასამთავრობო საზოგადოებრივი ორგანიზაციების ინიციატივით და შშმ პირთა ჩართულობით. პროექტების წარმატებული განხორციელება დადებითად აისახება იმ გა-

შშმ პირთა საბჭოს ბიუჯეტის ათვისებისა და კონკურსის გამოცხადების თაობაზე ისაუბრა შეზღუდული შესაძლებლობის მქონე პირთა ინტეგრაციისა და განვითარების ასოციაცია „ჰანგის“ თავმჯდომარემ, რუსლან საჯაიამ.

შშმ პირებისთვის სხვადასხვა სახის სამედიცინო სახარჯი მასალების დაფინანსების თაობაზე, კომისიის წევრებს ინფორმაცია მიანოდა იური ოდიშარიამ.

სენაკის მუნიციპალიტეტის მერთან არსებული შშმ პირთა საკითხებზე მომუშავე საკონსულტაციო საბჭო საქართველოში პირველი და ერთადერთია, რომელსაც გააჩნია საკუთარი ბიუჯეტი და შეუძლია მიზნობრივი საგრანტო კონკურსის გამოცხადება.

საკონსულტაციო საბჭოს სხდომა მერიის სტრუქტურული ერთეულების, მერიის მიერ დაფუძნებული კერძო სამართლის იურიდიული პირების ხელმძღვანელები და შესაბამისი სექტორების წარმომადგენლები ესწრებოდნენ.

საინფორმაციო შეხვედრები



სენაკის მუნიციპალიტეტის მერიის სხდომათა დარბაზში, „ანარმოე საქართველოში“ სამეგრელო-ზემო სვანეთის რეგიონის ბიზნეს საკონსულტაციო ცენტრისა და საქართველოს ფერმერთა და სოფლის მეურნეობის მუშაკთა პროფესიული კავშირის წარმომადგენლებმა, საინფორმაციო შეხვედრები გამართეს.

რის წარმომადგენლებს, ადგილობრივ მენარმეებს, ფერმერებს, ბიზნეს. სექტორს, მიაწოდეს დეტალური ინფორმაცია, ცენტრის მიერ, რეგიონის მასშტაბით, საკონსულტაციო მომსახურების თანადაფინანსების, ბიზნეს უნარების გაუმჯობესებისა და საინფორმაციო მომსახურების მიმართულებით მიმდინარე და დაგეგმილ მიკრო, მცირე და საშუალო ბიზნესის მხარდაჭერ პროგრამებზე.

საქართველოს ფერმერთა და სოფლის მეურნეობის მუშაკთა პროფესიული კავშირის წარმომადგენლებმა კი - პროექტის - „სასოფლო-სამეურნეო დანიშნულების მიწის ფონდის მართვაში ფერმერების ჩართულობისა და მუნიციპალური თვითმმართველობის როლის გაძლიერების ხელშეწყობა“ მნიშვნელობაზე ისაუბრეს.

პროექტი მიზნად ისახავს ფერმერების ჩართულობის გაზრდას და მათთან თანამშრომლობის ხარისხის გაუმჯობესებას.

მასშტაბური ინფრასტრუქტურული სამუშაოები

საქართველოს საავტომობილო გზების დეპარტამენტი, სენაკში, ზუგდიდ-წალენჯიხა-ჩხოროწყუ-სენაკის საერთაშორისო მნიშვნელობის საავტომობილო გზის 76-86 კმ-ზე, მასშტაბურ სამუშაოებს ახორციელებს.



პროექტი ითვალისწინებს აღნიშნული მონაკვეთის სრულ რეაბილიტაციას, ხიდბოგირების, ეზოების შესასვლელებისა და გაბიონების მოწყობას.

პროექტის ღირებულება 12 687 614 ლარს შეადგენს.

მიმდინარე სამუშაოებს სენაკის მუნიციპალიტეტის მერი, ვახტანგ გადელია, საკრებულოს თავმჯდომარის პირველ მოადგილესთან, ლევან უჩანეიშვილთან ერთად გაეცნო.

შეხვედრა ახალგაზრდულ საბჭოს წევრებთან

სენაკის მუნიციპალიტეტის მერმა, ვახტანგ გადელიამ, განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან და სამსახურის სპეციალისტებთან - გვანცა მალანისთან და ლატავრა თოდუასთან ერთად, ახალგაზრდული საბჭოს წევრებთან შეხვედრა გამართა. საბჭოს წევრებმა მერთან შეხვედრისას არაერთი ინიციატივა გააუღერეს, შეხვედრა კითხვა-პასუხის რეჟიმში წარიმართა. მერის საათობრივ ორგანომ - ახალგაზრდულმა საბჭომ თავმჯდომარედ, წარმატებული სენაკელი ახალგაზრდა, ნანო მისაბიშვილი, მოადგილედ - ანა ქეცბაია აირჩია. „მოხარული ვარ, რომ ახალგაზრდული საბჭო აქტიურად ჩაერთვება ადგილობრივი თვითმმართველობის გადაწყვეტილებების მიღების პროცესში, ჩვენ ასევე ერთობლივად დავინყებთ ახალგაზრდული პოლიტიკის შემუშავების პროცესს. თქვენი ხედვები მნიშვნელოვანია, რათა მაქსიმალურად სწორად განვსაზღვროთ მომავალი თაობისთვის საჭირო სტრატეგია. სწორედ ამ მიზნით, ჩვენ გავაგრძელებთ შედეგზე ორი-



ენტრებულ კომუნიკაციას ახალგაზრდების საკეთილდღეოდ“, - აღნიშნა ვახტანგ გადელიამ. ახალგაზრდული საბჭო ირჩევა 2 წლის ვადით და დაკომპლექტებულია 14 -დან 29 წლის ჩათვლით, სენაკის მუნიციპალიტეტის ტერიტორიაზე მცხოვრები ახალგაზრდებით. ახალგაზრდული საბჭოს ძირითადი ფუნქციები: ახალგაზრდული პოლიტიკის შემუშავება, მონიტორინგი, შეფასება; მუნიციპალიტეტის საბიუჯეტო დაგეგმვის პროცესში მონაწილეობა; ახალგაზრდების ინფორმირება დაგეგმილი ღონისძიებებისა და აქტივობების შესახებ. (გაგრძელება გვ 4)

აგროტური

სენაკის მუნიციპალიტეტის მერიის ინიციატივითა და ეკონომიკური განვითარების, სტატისტიკისა და ქონების მართვის სამსახურის ორგანიზებით, სოფლის მეურნეობის განვითარების ხელშეწყობის პროგ-



რამის ფარგლებში, ფოთსა და ბათუმში, მორიგი აგროტური მოენყო. აგროტურის მიზნობრივი ჯგუფი - მუნიციპალიტეტის ადმინისტრაციულ ერთეულებში მერის წარმომადგენლები, ფერმერები და დაინტერესებული პირები - თემის განვითარების ჰაბს „დიოსკურიას“ ესტუმრნენ, რომელიც 2000 წელს, დევნილმა ქალბატონმა, ნონა ხუხიაშვილმა და მიზნად აფხაზეთიდან დევნილთა ეკონომიკური განვითარების ხელშეწყობას ისახავდა. ნონა ხუხია,

პროექტის მონაწილეებს, ჰაბის შექმნის ისტორიასა და საქმიანობის არეალზე ესაუბრა. მორიგი საინფორმაციო შეხვედრა აჭარის აგროსერვისცენტრის გვარა-ხეცუბნის სანერგე მეურნეობაში გაიმართა, სადაც მენეჯერმა, რომან ჩხაიძემ, მთავარმა სპეციალისტმა მევენახეობის დარგში, ვალერი ცეცხლაძემ და მცენარეთა დაცვის სპეციალისტმა, ზურაბ ზუმბაძემ, დაინტერესებულ პირებს დეტალურად გააცნეს ვაზისა და ხეხილის მოვლა-მოყვანის, წამლობისა და მცენარის საკითხები. აგროტური მახინჯაურში, ბერიძეების ღვინის მარანში სტუმრობით დასრულდა. „ბერიძეების ღვინის მარანი“ დაფინანსებულია აჭარის სოფლის მეურნეობის სამინისტროს მიერ გამოცხადებული „სოფლად მენარმეობის განვითარების“ საგრანტო კონკურსის ფარგლებში. მენარმემ, ზაირა ჯიბლაძემ, ქართული ვაზის ჯიშებზე, ღვინის სახეობებზე, ჭაჭისა და ხილის ბრენდებზე ისაუბრა. აგროტურის მონაწილეებმა დააგეგმეს „ბერიძეების ღვინის მარანი“ ჩხავერისა და ქინძმარაულის ყურძნის ღვინოები. აგროტურის მიზანია სოფლის მეურნეობის დარგში დაგროვილი გამოცდილებების ურთიერთგაზიარება, ერთობლივი სამომავლო პროექტების დასახვა, თანამედროვე ტექნოლოგიებისა და ინოვაციური მეთოდების პრაქტიკაში განხორციელება.

გამარჯვებულ სპორტსმენები



სენაკის მუნიციპალიტეტის მერი, ვახტანგ გადელია, მერიის განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან ერთად, ტაეკვანდოს მსოფლიო ჩემპიონატში (ICTF) გამარჯვებულ სპორტსმენებს, პრიზიო-

რებს და მათ მწვრთნელს, საქართველოს ტაეკვანდოს ICTF ფედერაციის პრეზიდენტს, ლაშა ჯოლოგუას შეხვდა, მოპოვებული გამარჯვება მიულოცა და შემდგომი წარმატებები უსურვა. 14-16 ივლისს, იტალიის ქალაქ რენდოში, გაიმართა მსოფლიოს ჩემპიონატი ტაეკვანდოში (ICTF), სადაც მსოფლიოს 18 ქვეყნის წარმომადგენელი მონაწილეობდა. საქართველოს სახელით, ჩვენი მუნიციპალიტეტიდან, ხუთმა სპორტსმენმა მიიღო მონაწილეობა და ხუთთვიან წარმატებულად იასპარეზა. ბავშვთა ასაკობრივ კატეგორიაში ჩემპიონი გახდა ოთო დემურია (9 წლის); მე-3 საპრიზო ადგილზე გავიდა საბა ფხაკაძე (11 წლის). დიდებს შორის, მე-2 ადგილი დაიკავა ლაშა ჯოლოგუამ, ხოლო მესამე ადგილებზე გავიდნენ უშანგი და ცოტნე მიშველაძეები. სენაკის მუნიციპალიტეტის მერია გამარჯვებულ სპორტსმენებს ფულად ჯილდოს გადასცემს.

ფეინთბოლის ჩემპიონატი

ქალაქ სენაკში, პირველად, ახალგაზრდული ინიციატივების მხარდაჭერის პროგრამის ფარგლებში, ფეინთბოლის ჩემპიონატი გაიმართა.

თამაშში მონაწილეობდა 9 გუნდი, მათგან ფინალში გადავიდა 2 - „აისისი“ და „გორგასლიანები“. ფეინთბოლის სენაკის ჩემპიონატის გამარჯვებული, გუნდი „აისისი“ გახდა. გამარჯვებული გუნდი მონაწილეობას მიიღებს საქართველოს ფეინთბოლის ეროვნულ ჩემპიონატში.

ჩემპიონატს სენაკის მუნიციპალიტეტის მერიის განათლების, კულტურის, სპორტისა და ახალგაზრდობის სამსახურის უფროსი, გივი მისაბიშვილი, საკრებულოს ფრაქცია „ქართული ოცნება-დემოკრატიული საქართველოს“ თავმჯდომარის მოადგილესთან, მანანა გვიჩიასთან და მერიის განათლების, კულტურის, სპორტისა და ახალგაზრდობის სამსახურის სპეციალის-

ტთან, გვანცა მალანიასთან ერთად დაესწრო. ჩემპიონატი, საქართველოს ფეინთბოლის ეროვნული ფედერაციის ორგანიზებითა და სენაკის მუნიციპალიტეტის მერიის მხარდაჭერით ჩატარდა.



მოქალაქეთა მიღება



მუნიციპალიტეტის მერმა, ვახტანგ გადელიამ, მოქალაქეებთან მორიგი მიღება გამართა. ადგილობრივებმა მუნიციპალიტეტის მერს მათი პრობლემები გააცნეს და მათთვის აქტუალურ საკითხებზე ისაუბრეს.

„ყველა შესაბამის სამსახურთან ერთად, მაქსიმალურად ვცდილობ დროულად და ეფექტურად გადაწყვიტო ჩვენი მოქალაქეების წინაშე მდგარი პრობლემები. მსგავსი ხასიათის შეხვედრები გაგრძელდება. ჩემი მიზანია ვიზრუნო თითოეული სენაკელის კეთილდღეობისთვის“ - აღნიშნა ვახტანგ გადელიამ. შეგახსენებთ, რომ სენაკის მუნიციპალიტეტის მერიამი მოქალაქეთა მიღება ყოველი კვირის ოთხშაბათს იმართება.

მსურველებს შეგიძლიათ დაგვიკავშირდეთ: 0 413 27 58 58 ან მოგვწერეთ ფეისბუქის ოფიციალურ გვერდებზე: <https://www.facebook.com/CityHallOfSenakiMunicipality> <https://www.facebook.com/GDVakhtangGadelia>

მუნიციპალიტეტის საკრებულოში

2023 წლის 29 აგვისტოს, გაიმართა სენაკის მუნიციპალიტეტის საკრებულოს სხდომა. დღის წესრიგის მიხედვით გათვალისწინებული იყო ხუთი საკითხის განხილვა.

სხდომის დაწყებამდე, წუთიერი დუმილით პატივი მიაგეს, კურორტ შოვში მომხდარი სტიქიური უბედურების შედეგად და აგვისტოს ომში დაღუპულთა ხსოვნას.



1. სენაკის მუნიციპალიტეტის საკრებულოს 2023 წლის 29 აგვისტოს სხდომის დღის წესრიგის დამტკიცების თობაზე.

მომხსენებელი სენაკის მუნიციპალიტეტის საკრებულოს თავმჯდომარე, საბა ოდიშარია,

2. სენაკის მუნიციპალიტეტის 2023 წლის მეორე კვარტლის ბიუჯეტის შესრულების ანგარიშის მოსმენისა და შეფასების თობაზე.

მომხსენებელი სენაკის მუნიციპალიტეტის საკრებულოს საფინანსო-საბიუჯეტო კომისიის თავმჯდომარე, ბადრი კალანდარიშვილი, თანამომხსენებელი სენაკის მუნიციპალიტეტის მერიის საფინანსო-საბიუჯეტო სამსახურის უფროსი, დონარა ალანია,

3. სენაკის მუნიციპალიტეტის ტერიტორიაზე საგზაო მოძრაობის ორგანიზების თობაზე.

მომხსენებელი სენაკის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის თავმჯდომარე, გიგა წურწუშია,

4. სენაკის მუნიციპალიტეტის ტერიტორიაზე საგზაო მოძრაობის ორგანიზების თობაზე.

მომხსენებელი სენაკის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის კომისიის თავმჯდომარე, გიგა წურწუშია,

5. სენაკის მუნიციპალიტეტის 2023 წლის ბიუჯეტის დამტკიცების შესახებ“ სენაკის მუნიციპალიტეტის 2022 წლის 23 დეკემბრის N13 დადგენილებაში ცვლილებებისა და დამატებების შეტანის თობაზე“.

მომხსენებელი სენაკის მუნიციპალიტეტის საკრებულოს საფინანსო-საბიუჯეტო კომისიის თავმჯდომარე, ბადრი კალანდარიშვილი, თანამომხსენებელი სენაკის მუნიციპალიტეტის მერიის საფინანსო-საბიუჯეტო სამსახურის უფროსი, დონარა ალანია.

ალექსი დეშურია

საკრებულოს აპარატის უფროსი სპეციალისტი
საინფორმაციო საკითხებში

ახალგაზრდულ ბანაკში

ანაკლის ახალგაზრდულ ბანაკს, წელს, პირველად, სენაკელი ახალგაზრდებიც შეურთდნენ.

საქართველოს კულტურის, სპორტისა და ახალგაზრდობის სამინისტროს მხარდაჭერითა და სსიპ ახალგაზრდობის სააგენტოს ეგიდით, ანაკლის ახალგაზრდულ ბანაკში, წელს 2400 ახალგაზრდა 10 ნაკადად მიიღო.



ბანაკში მყოფმა 15 სენაკელმა ახალგაზრდამ, თანატოლებთან ერთად, მონაწილეობა მიიღო ინტერაქციულ-საგანმანათლებლო და მონეველ სტუმრებთან არაფორმალურ გარემოში გამართულ შეხვედრებში, კულტურულ-შემოქმედებით ღონისძიებებში, სპორტულ ოლიმპიადასა და სხვადასხვა ტურნირში.

სენაკელ ახალგაზრდებს მუნიციპალიტეტის მერის მოადგილე, ლევან ელიავა, განათლების, კულტურის, სპორტისა და ახალგაზრდობის სამსახურის უფროსთან, გივი მისაბიშვილთან და ამავე სამსახურის სპეციალისტთან, გვანცა მალანიასთან ერთად შეხვდა.

მუნიციპალიტეტის მერიის საზოგადოებასთან ურთიერთობის და ინფორმაციული უზრუნველყოფის განყოფილება


დღეს ჩვენი სტუმრები არიან ახალგაზრდები, რომლებმაც წარმატებით ჩააბარეს ეროვნული გამოცდები და 100%-იანი დაფინანსებით ჩაირიცხნენ ქვეყნის სხვადასხვა უმაღლეს სასწავლებლებში, სადაც დაეუფლებიან მათთვის საინტერესო პროფესიას, აითვისებენ მეცნიერების საფუძვლებს, განიმტკიცებენ ცოდნას, შეიძენენ გამოცდილებას...

თითოეულ მათგანსათვის დაიწყო ახალი ეტაპი ცხოვრებაში. სილაღე, თავისუფლება, დამოუკიდებლობის პირველი საფეხურები, ახალი მეგობრები, სიახლეები, წარმატების მოპოვების უფრო დიდი სურვილი. თითოეული მათგანი აცნობიერებს, რომ უკვე ბავშვი აღარ არის, რომ ცხოვრების იმ ეტაპზე ხარ, როცა უნდა განვითარდე და შენი გზა გაიკვლიო ცხოვრებაში. მიიღო უმაღლესი განათლება, გახდეს პროფესიონალი და ჩაება ქვეყნის განვითარების ფერხულში.

ჩვენ დავინტერესდით ამ ახალგაზრდებით და ერთი შეკითხვით მივმართეთ:

თქვენს ცხოვრებაში დაიწყო ყველაზე ლამაზი და საკასუსისმგებლო ეტაპი-სტუდენტობა, როგორია თქვენი შინაგანი მზადყოფნა ახალ გამოწვევებთან და სირთულეებთან შესაჭიდებლად

ტატა სიჭინავა



სსიპ ჟიული შარტავას სახელობის ქ. სენაკის მეორე საჯარო სკოლა. ჩაირიცხა დავით ტვილდიანის სამედიცინო უნივერსიტეტში

„მომავალი ეკუთვნის მათ, ვისაც სჯერა მათი ოცნების სილამაზის...“ – ჩემი ცხოვრების მთავარი სლოგანი რუზველტის ეს ციტატაა, რომელიც მუდამ მეხმარება დასახული მიზნის სრულყოფაში!

ჩემთვის განათლება მრავლისმომცველი ცნებაა, რომელსაც ალტერნატივა არ აქვს! სტუდენტობა კი – დიდი მიზნებისკენ პატარა ნაბიჯებით მიმავალი გზაა...

ერთ-ერთი მიზანიც შესრულებულია! – ჩემთვის დავით ტვილდიანის სამედიცინო უნივერსიტეტის სტუდენტობა ძალიან დიდი გამოწვევა და ამავდროს უზომო სიამაყეა!

მიზნის ბოლომდე რეალიზებისთვის კი, წინ დიდი, პასუხისმგებლობით აღსავსე და საინტერესო გზაა...

გიო მზარაღა




ვლადიმერ კომაროვის სახელობის თბილისის ნომერ 199 საჯარო სკოლა, ჩაირიცხა თავისუფალ უნივერსიტეტში, კომპიუტერულ მეცნიერებასა და მათემატიკის ფაკულტეტზე.

მზადყოფნას რაც შეეხება, ცალსახად შეიძლება ითქვას, რომ მზად ვარ. ამ მომენტს დიდი ხანი ველოდი და ერთგვარად, ოცნებაც კი ამიხდა.

ასე, რომ ჩემთვის ახლა იწყება საკმაოდ რთული და საინტერესო, გამომწვევებით სავსე ეტაპი, რომელსაც ძალიან, ძალიან მოუთმენლად ველი.

ნიკა წირაძე



სსიპ ჟიული შარტავას სახელობის ქ. სენაკის მეორე საჯარო სკოლა, ჩაირიცხა ილიას სახელმწიფო უნივერსიტეტის დედამიწის შემსწავლელი მეცნიერებების ფაკულტეტზე

ყოველთვის ძალიან მაინტერესებდა სამეცნიერო-კვლევითი სფერო და მსგავსი კომპლექსური საკითხების შემსწავლელი ფაკულტეტი ამ უნივერსიტეტში ვიპოვე. ვფიქრობ, საიტერესო სტუდენტური ცხოვრება მელის. მინდა მადლობა გადავუხადო ჩემს პედაგოგებს. მინდა გითხრა, რომ გეოგრაფია, რომელიც აუცილებელი და საჭირო მეცნიერებაა ამ ფაკულტეტზე წარმატებული სწავლისთვის, მასწავლებლის გარეშე, დამოუკიდებლად მოვაშადა და უმაღლესი შეფასებაც მივიღე. მინდა გავამხნეო და წარმატებები ვუსურვო მომავალ აბიტურიენტებს და ვუთხრა მათ, რომ შრომას და ცოდნას ყოველთვის აქვს ფასი.

სალომე ძიგუა



კერძო სკოლა „მარიოტა“. ჩაირიცხა ივანე ჯავახიშვილის სახელობის თბილისის სახელმწიფო უნივერსიტეტში ფიზიკის ფაკულტეტზე.

პირველ რიგში ძალიან გამიხარდა ის, რომ შრომამ შედეგი გამოიღო (არა მარტო ჩემმა, არამედ ყველა მასწავლებლისა და ჩემი მოძოლებისა) დაფინანსებაც მომაპოვეთ. ეს ყველაფერი კი უფრო მეტ მოტივაციას მმატებს და ცხოვრების შემდგომ ეტაპზე გადასვლას მიმართავს. სტუდენტის ცხოვრება არ არის მარტივი, ამას თან ახლავს უამრავი ემოცია, თუმცა მოუთმენლად ველი სწავლის დაწყებას და ახალი გამოწვევებისთვისაც მზად ვარ.

ილონა ცინარიძე




ქალაქის № 3 საჯარო სკოლა, ჩაირიცხა ივანე ჯავახიშვილის სახელობის თბილისის სახელმწიფო უნივერსიტეტის სამართლის ფაკულტეტზე.

სკოლაში სწავლის პერიოდში ვმონაწილეობდი სხვადასხვა სასკოლო ოლიმპიადებში, მოპოვებული მაქვს 16 გამარჯვება. ჩემთვის ეს ეტაპი საკმაოდ წარმატებული, საინტერესო და სასიამოვნო სიურპრიზებით იყო სავსე, ახლა კი მაქვს სტუდენტის სტატუსი.

ვიაზრებ, რომ წინ ახალი გამოწვევები მელის და ეს ჩემთვის მეტად ამაღლებელია, თუმცა დარწმუნებული ვარ, რომ დავძლევე ყველა პრობლემას და აუცილებლად მივაღწევ დასახულ მიზანს. მინდა ვასახელო მშობლიური სკოლა და ჩემი ქალაქი. მინდა იამაყო ჩემით, ამიტომ მთელი ძალით ვეცდები, არ გავუცრუო იმედეები საკუთარ თავსა და ჩემს გულშემატკივრებს.

გურა წირაძე



სსიპ ჟიული შარტავას სახელობის ქ. სენაკის მეორე საჯარო სკოლა. ჩაირიცხა საქართველოს აგრარული უნივერსიტეტის ქიმიკ-ბიოლოგიის ფაკულტეტზე.

ძალიან მინდოდა კონკრეტულად ამ უნივერსიტეტის სტუდენტი გამხდარიყავი და შემესწავლა საბუნებისმეტყველო მეცნიერებები. ვფიქრობ, ძალიან საინტერესო გარემოში მოვხვდი, კმაყოფილი ვარ ჩემი არჩევანით. მინდა მადლობა გადავუხადო ჩემს სკოლას და განსაკუთრებით ჩემს მასწავლებლებს, რომლებიც დამეხმარნენ გამოცდებზე ჩაბარებულნი საგნების მომზადებაში, თამაზ საჯიას, მია დგებუაძეს, ირმა წულაიას და ჯონი ხვიჩიას.

კესო კილასონია



11 წელი სწავლობდა N2 საჯარო სკოლაში, საბოლოოდ დაამთავრა კერძო სკოლა ლიცეუმი. ჩაირიცხა შავი ზღვის საერთაშორისო უნივერსიტეტში-ინგლისურ ფილოლოგიაზე (ინგლისურენოვანი)

ნამდვილად დიდი გამოწვევის წინაშე ვდგავარ, ვანალიზებ, რომ ახალი და ყველაზე საინტერესო ეტაპი იწყება ჩემს ცხოვრებაში, ისეთი უცნაური შეგრძნება მაქვს, რომელიც აქამდე არასდროს განმიცდია 12 წლის განმავლობაში, საუკეთესო განცდაა, როცა შენი შრომის შედეგს იპი...თურმე სულ სხვა რამ ყოფილა სტუდენტობა და ვიმედოვნებ, ყველაფერი წინ მაქვს. წარმატებებს ვუსურვებ ყველა პირველკურსელს.

ლიზი ქავთარაძე



კერძო სკოლა „მარიოტა“, ჩაირიცხა ბათუმის სახელმწიფო საზღვაო აკადემიაში-საზღვაო ნავიგაციის ფაკულტეტზე

პირველ რიგში ყველას ვულოცავ ცხოვრების ახალ ეტაპზე გადასვლას და ვუსურვებ წარმატებას!

ყველა ჩვენგანი ელოდა ცხოვრების ამ ეტაპის დადგომას და აი ეს დროც მოვიდა, შესაბამისად, სტუდენტების და მათ შორის ჩემი შინაგანი მზადყოფნა არის უმაღლესი, რადგან სტუდენტობა არის პერიოდი, რომელიც ერთ-ერთ უმნიშვნელოვანეს და გარდამტეხ როლს ასრულებს ჩვენს ცხოვრებაში, ვინაიდან იღება ახალი შესაძლებლობის კარები და წინ გველის უამრავი თავგადასავალი.

ყველა პროფესიას აქვს მახასიათებლები, რომლებიც შემდგომში ჩვენი ცხოვრების განუყოფელი ნაწილი ხდება, ჩემ მიერ არჩეული პროფესია კი მოითხოვს: უდიდეს პასუხისმგებლობას, ნებისყოფასა და მუდმივ მზადყოფნას ახალი გამოწვევებისთვის, რადგან მოგვინებს შერკინება ოკეანესთან, ყველას თავისი წილი მცირე „ბრძოლა“ ელის რათა მიადწინო მიზანს, ხოლო ჩვენი საბრძოლო იარაღი, რომლითაც შევძლებთ გამარჯვებას, ჩვენ მიერ უმაღლეს სასწავლებლებში მიღებული ცოდნა იქნება.


მარი ბნოლიძე



სენაკის მეშვიდე საჯარო სკოლა, ჩაირიცხა საქართველოს ეროვნული უნივერსიტეტში.

ბედნიერი ვარ, რადგანაც ჩავირიცხე სასურველ უნივერსიტეტში. ჩემთვის ძალიან დიდი პასუხისმგებლობაა ვიყო სეუს სტუდენტი. ეს პირველი მნიშვნელოვანი გამოწვევაა ჩემს ცხოვრებაში და ვფიქრობ რომ ეს იქნება რაღაც განსაკუთრებული სიახლის საწყისი ახალი ღირებულებებით და მიზნებით. მინდა წარმატებები ვუსურვო ყველა პირველ კურსელს ცხოვრების ამ უმნიშვნელოვანეს ეტაპზე.

გიორგი შვანია



სენაკის მეორე საჯარო სკოლა. ჩაირიცხა თავისუფალი უნივერსიტეტის ბიზნესის ადმინისტრირების პროგრამაზე.

სიტყვებით ძნელია იმ შეგრძნების გადმოცემა, რასაც განვიცდი. ძალიან სასიამოვნოა, როცა იაზრებ, რომ სწავლას საოცნებო უნივერსიტეტში გააგრძელებ. მგონია სტუდენტობა ძალიან მაგარი უნდა იყოს. ცხოვრების ახალ ეტაპზე გადავდივარ. მოტივირებული ვარ, რომ გავაგრძელო სწავლა ინტენსიურად, მქონდეს უმაღლესი აკადემიური მოსწრება და სათანადოდ ავითვისო ყველა ის მასალა, რომელიც დამეხმარება წარმატებული მომავლის შექმნაში.

კიდევ ერთხელ გილოცავთ ერთიანი ეროვნული გამოცდების ჩაბარებას და სტუდენტობას, წარმატებებს მისურვებთ ცხოვრების ახალ, ძალიან მნიშვნელოვან, თავგადასავლებით და შესაძლებლობებით სავსე ეტაპზე.

ა. შონია

პროფესიული ასპექტით წარმოჩენილი



სენაკის მესამე საჯარო სკოლის დირექტორი (დირექტორი მარინე ნანიშვილი) და პედაგოგიური კოლექტივი პროფესიული ერთგულებით მოუყვება სწავლება-აღზრდის რთულ, მაგრამ წარმატებით აღსავსე გზას.

სკოლის პედაგოგიური კორპუსი მიზნობრივად მუშაობს, რათა მოსწავლეებს ცოდნასთან ერთად მისცეს თვითშემოქმედების, ინიციატივის, შეუპოვრობის უნარი.

ყოველი ახალი სასწავლო წელი ახალი და კიდევ ერთი საინტერესო პერიოდია საგანმანათლებლო დაწესებულებების ცხოვრებაში.

ჩვენი რესპონდენტი სენაკის მესამე საჯარო სკოლის დაწყებითი კლასის წამყვანი მასწავლებელი ჯილდა ხუნჯუა გახლავთ. მან დამთავრა თბილისის ახალგაზრდა მეცნიერთა მცირე აკადემიის დასავლეთ ევროპის ენებისა და ლიტერატურის ფაკულტეტი. "სპეციალობა - გერმანული ენა". პედაგო-

გიური მოღვაწეობა ეკის საჯარო სკოლაში დაიწყო გერმანული ენის მასწავლებლად. სენაკის მესამე საჯარო სკოლაში გადამოსვლის შემდეგ მუშაობა განაგრძო დაწყებითი კლასების მასწავლებლად.

ქალბატონმა ჯილდამ ჩააბარა მასწავლებლის კომპეტენციის დადასტურების გამოცდა, როგორც გერმანულ ენაში, ასევე დაწყებითი კლასების სასწავლო დისციპლინებში. უფროსი მასწავლებლის სტატუსის მიღების შემდეგ, მისთვის კარიერული წინსვლა წამყვანი მასწავლებლის წოდება გახლდათ, რომელიც წელს მიენიჭა.

ჯილდა ხუნჯუა ფლობს სწავლება-აღზრდის პროგრესულ მეთოდებს, ცდილობს ღრმად ჩაიხედოს თითოეული მოსწავლის სულში. ბავშვებს ასწავლის ერთმანეთის დაფასებას, ერთმანეთის შეხედულებებისა და აზრების პატივისცემას.

-მიყვარს ჩემი პროფესია, საოცარი შეგრძნებაა, როცა გაქვს ცოდნა, შეგიძლია იგი გაავრცელო და გადასცე მოსწავლეს. ბედნიერებაა ხედავდე თუ როგორ იზრდება შენს თვალსა და ხელს შუა ბავშვი, როგორ ხდება იგი წარმატებული.

ვთვლი, რომ მშობელი უნდა ეხმარებოდეს მასწავლებელს. თვალყურს ადევნებდეს შვილის დავალებისა და გაკვეთილის მომზადებას, მაგრამ არამც და არამც არ უნდა უწერდეს ბავშვს დავალებას.

წელს ჯილდა მასწავლებელს 18 მოსწავლე ჰყავს, რომლებსაც მასწავლებელთან ერთად დიდი გზა აქვთ გასავლელი. მათ უნდა ისწავლონ ნერა-კითხვა, მათემატიკური მოქმედებანი, ივარჯიშონ ბუნებასა და ხელოვნებაში. საჭირო ცოდნასთან ერთად შეიმეცნონ მთავარი ადამიანური ღირებულება - სიყვარული. და გამოიმუშაონ თანაგრძნობის უნარი.

დაფაზე ჩამწკრივდებიან ასოები "ანი, ბანი, განი, გან-ს მოჰყვება დონი, ენ-ი, ენის გასაწავი, თვალის მოსალხენი"... იწყება მასწავლებლის წარმართობა სასკოლო სა-



ლისა და მოსწავლეების ცხოვრებაში ახალ-ახალი ინფორმაციებით და მრავალმხრივ ურთიერთობებით დატვირთული დღეები.

კოლეგები და მშობლები ენდობიან და აფასებენ ჯილდა მასწავლებელს. მესამე საჯარო სკოლის დირექტორის - ქალბატონ მარინე

ნანიშვილის შეფასებით ჯილდა ხუნჯუა გამოირჩევა კომუნიკაბელურობით, ობიექტურობით, პასუხისმგებლობის გრძნობით, არჩეული პროფესიის სიყვარულით, სიახლეებისკენ სწრაფვით.

- 4 წელია ქალბატონი ჯილდა მუშაობს მესამე საჯარო სკოლაში - ამბობს მარინე ნანიშვილი. არის დაწყებითი კლასების კათედრის ხელმძღვანელი, კოლეგებს უზიარებს თავის გამოცდილებას. ამასთან მთავარია არა წოდება და ტიტული, არამედ ის ღრმა ადამიანური ურთიერთობა სასკოლო სა-

ბის მიხედვით. 7-მა ოქროს მედალი დაიმსახურა, ჩვენმა მოსწავლეებმა არაერთი წარმატება მოიპოვეს სასკოლო, რეგიონალურ და რესპუბლიკურ საგნობრივ ოლიმპიადებზე. მინდა ახალი სასწავლო წლის დაწყება მივულოცო ყველა პირველკლასელს, პირველკურსელს, დამწყებ მასწავლებელს, ზოგადად მთელ პედაგოგიურ საზოგადოებას. ვუსურვებ მათ წარმატებებს და მოსწავლეთა ინტერესების სფეროს შესაბამის ხარისხიან სწავლებას.

ქალბატონი ჯილდა ხუნჯუა საუკეთესო დედა და მეუღლეა. შვილები ნიკა და დავითი სტუდენტები არიან, ნიკა თბილისის ივანე ჯავახიშვილის სახელობის სახელმწიფო უნივერსიტეტის სოციალურ-პოლიტიკურ მეცნიერებათა ფაკულტეტის მესამე კურსის სტუდენტია, დავითი ტექნიკურ უნივერსიტეტში ენერგეტიკის პროფესიას ეუფლება. მეუღლე დავით სიჭინავა პროფესიით იურისტი.

დღეები სულაც არ ჰგვანან ერთმანეთს, ყოველი დღე აღსავსეა სიახლით, მოულოდნელობებით, წარმატებებით, ზოგჯერ იმედგაცრუებითაც კი. მაგრამ, დღია მოტივაცია, როდესაც უყვარხართ და გაფასებენ.

გაზეთ „კოლხეთის“ რედაქცია ულოცავს პედაგოგ ჯილდა ხუნჯუას ახალ სასწავლო წელს და უსურვებს წარმატებულ საქმიანობას.
მედა ზალთოური

ჩვენი უპირველესი მიზანი



მრავალფეროვანია მრავალსაუკუნოვანი ისტორიის მქონე ქართული ხალხური ცეკვა, რომლის ტრადიციული, სწორი შესრულება დიდ შრომასა და ძალისხმევას მოითხოვს და დიდ სირთულეებთან არის დაკავშირებული.

ამიტომ აღსანიშნავია, რომ კულტურითა და ტრადიციებით გამორჩეულ ჩვენს ქალაქს ჰყავს საბავშვო სახალხო ქორეოგრაფიული ანსამბლი „მეგა“- რომელიც გამორჩეულია თავის ხელნერით. ეს ანსამბლი დაჯილდოებულია „საქართველოს ქორეოგრაფიის ამაგდარისა და საქართველოს ქორეოგრაფიის ბრწყინვალეების ორდენებით“, საქართველოს მწერალთა კავშირის მიერ „ქართული კულტურის ქომავის“ ნოდებით... კიდევ სხვა მრავალი ჯილდოებითა და სიგელებით, რომელიც ანსამბლს აქვს მიღებული და ამშვენებს „მეგა“-ს დარბაზს.

ანსამბლის სამხატვრო ხელმძღვანელი და ქორეოგრაფია ეკატერინე გაბრაჟა. ის წლების განმავლობაში სხვადასხვა პოზიციებზე მუშაობდა ხელოვნებისა და კულტურის სფეროში. არის ხატვისა და ხელოვნების ისტორიის პედაგოგი.

ანსამბლის მთავარი ქორეოგრაფია მამუკა მესხიშვილი.

ქალბატონი ეკატერინე, გვესაუბრებ ანსამბლის შექმნის ისტორიასა და პირველ ნაბიჯებზე, მის სახელწოდებაზე.

ჩვენი ანსამბლი სამ ათეულ წელს ითვლის. ქორეოგრაფიული მოღვაწეობა დაიწყო ჩვენს სახლში, შემდეგ წლებში მანძილზე ვიყავით მეოთხე საშუალო სკოლაში, კინოთეატრში. სკოლა- გიმნაზიის სპორტულ დარბაზში. მინდა მადლობა გამოვხატო იმ ადამიანებისადმი, რომლებიც ამ წლებში გვერდით გვედგნენ, გვმასპინძლობდნენ. ესენია: ჟორა ავალიანი, მეუფე შიო, აბო ტორჩინავა. უფალმა საკუთარი დარბაზის ქონის სურვილი გამბედაობა და აშენების საშუალება მოგვცა. და დღეს საკუთარი ფართი გვაქვს. რაც შეეხება ანსამბლის სახელწოდებას, შეირჩა ჩვენი გვარების პირველი მარცვლებიდან, მესხიშვილი და გაბრაჟა.

თქვენი ანსამბლი გამორჩეულია, როგორ ახერხებთ ყოველთვის მონოდების სიმალღებუ ყოფნას?

პირველ რიგში მთავარია საქმისადმი სიყვარული, რომელიც დღემდე გრძელდება. ბავშვებთან მუშაობა უდიდესი პასუხისმგებ-

ლობაა, ხელმძღვანელობა კი ძალიან რთული. განსაკუთრებით მაშინ, როდესაც ხელოვნების მიმართულებას უძღვები. უნდა შეგეძლოს სწორი გადაწყვეტილების მიღება. როცა საქმეს საფუძვლად სიყვარული უდევს, ყოველთვის ყველაფერი კარგად გვირგვინდება. ყველაზე მთავარი დისციპლინა და პასუხისმგებლობაა საქმის მიმართ.

სტაჟით და საკუთარი შემოქმედებით ხელნერით ნამდვილად გამოვიჩინეთ და მიმართა მიღებული ჯილდოები: თასები, მედლები და სიგელები ცოდნის, გამოცდილების და უსაზღვრო შრომის შედეგია. თუმცა ჩვენთვის ყველაზე დიდი ჯილდო ჩემი გოგო-ბიჭების გაბრწყინებული თვალბეჭა, ჩვენი უპირველესი მიზანი კი ქართული ცეკვების პოპულარიზაცია.

უნდა გითხრათ, რომ საქართველოში პირველად ჩვენ ერთად შექმნილი ორი დიდი ქორეოგრაფიული კომპოზიციის შექმნა:

-ქორეოგრაფიული თეატრალური კომპოზიცია ფოლკლორში შერწყმული „გორდა“, კომპოზიტორი

დ. თორაძე და ჯაზ-ფოლკლორული ქორეოგრაფიული კომპოზიცია ვახტანგ კახიძეს შემოქმედებდნენ „დიმიტრაური“.



რამდენი წერი გყავთ ანსამბლში, რამდენი ჯგუფი?

ამჟამად ანსამბლში 120-130 მოცეკვავე გვყავს და ოთხი სტუდიის ჯგუფი.

სხირად მონაწილეობთ სხვადასხვა ფესტივალებში, კონკურსებში, როგორც ქვეყნის მასშტაბით, ასევე საზღვარგარეთ და საკმაოდ წარმატებით

ჩვენი ანსამბლი არაერთ ქვეყანაშია წამყოფი, ვფიქრობ, რომ ჩვენი ბავშვები საკუთარ პროფესიონალიზს სცენაზე შეუდარებ-

ლად აჩვენებენ და წარმოაჩენენ ქართული ცეკვის ხიბლს. აგვისტოში ვიმყოფებით ბულგარეთში, ერთ-ერთ ულამაზეს ანტიკურ ქალაქ ნესებოში, რომელიც იუნესკომ მსოფლიო მემკვიდრეობის სიაში შეიყვანა. იქ ჩატარდა საერთაშორისო ფესტივალი. ამ ფესტივალზე ყოველწლიურად საქართველოდან ბევრი ქორეოგრაფიული ანსამბლი

ჩადის. ძალიან კარგი და ლამაზი დღეები გავატარებთ. ჩვენ გავხდით გრან-პრის მფლობელები.

თქვენი სამომავლო გეგმები, ცეკვის შესწავლის მსურველები თუ გყავთ?

მომავლის გეგმები ისევე ახალი კომპოზიციის შექმნა და განხორციელებაა. ვართ ძიებაში. ვცდილობთ დასაფასებელი დავაფასოთ და მიღებული პასუხისმგებლობა თაობებს და სენაკს გადავცეთ. სენაკი ჩვენი დიდი სიყვარულით სავსე ოჯახია, „მეგა“ ანათებს სხვა მანათობელ ვარსკვლავებთან ერთად.

ცეკვის მსურველები ბევრია, როგორც პატარებში, ისე დიდებში. განსაკუთრებით წონისა და უმოდრაობის პრობლემების მქონე ქალბატონებში. ვარჯიში აუცილებელი და საუკეთესოა ჯანმრთელობისთვის და სილამაზისთვის.

მინდა ვისარგებლო შემთხვევით და მადლობა გადავუხადო ყველა ჩვენს გულშემოტივარს, ჩვენ კი ქართული ცეკვის პოპულარიზაციისათვის ენერგიას არ დავიშურებთ.

მანა ბერბანი

„მასწავლებელი, ზოგჯერ უშვილო, მაგრამ ათასი ბავშვის მშობელი“



ადამიანები, რომლებსაც ცხოვრებისეული სამუშაო გამოცდილება დაუგროვდათ, მოცალეობის უამს ხშირად ფიქრობენ განვლილ დღეთ ყოფაზე, გონებით უბრუნდებიან წარსულის მნიშვნელოვან მომენტებს, მათ მიერ გაკეთებულ საქმეებს, საინტერესო თუ რთულ ეპიზოდებს... მათ ყველაზე კარგად უწყით საკუთარი ცხოვრების

ნიუანსები. ამიტომ ყველაზე დიდი შემფასებელი და კრიტიკოსი თავად არიან განვლილი გზისა. მიუხედავად ამისა ჩვენი ვალია, მუდამ გვახსოვდეს მათი გარჯა-ამაგი, უფრო მეტიც, მათ მიერ დაგროვილი გამოცდილება საგზლად უნდა გავაყოლოთ თაობებს, თავად კი გული გავუთხოთ, მოვეფეროთ, მადლობა ვუთხრათ.

ასეთი ადამიანები მუნიციპალიტეტს ბევრი ჰყოლია და ჰყავს. ერთ-ერთი მათგანი, ქალბატონი მზია ბარქაია იუბილარია. მისი ცხოვრება იმდენად მრავალმხრივი და მრავალფეროვანია, რომ მოზაიკას ჰგავს ფერთა სიუხვით გაჯერებულს. სად არ უშუშავია, რომელ სფეროში არ გამოუცდია თავი. მისი ბიოგრაფია იმდენად ყოვლისმომცველია, რომ ყველა ნიუანსს ამ საგაზეთო წეროლში ვერ მოვუყვებით თავს, ამიტომ მხოლოდ უმნიშვნელოვანეს შტრიხებს შევხებით.

იგი დაიბადა 1943 წლის 5 აგვისტოს, სკოლის დამთავრების შემდეგ სწავლა გააგრძელა საქართველოს ალკ კენტრალური კომიტეტი-

სა და განათლების სამინისტროს პიონერ-მუშაკთა რესპუბლიკურ სასწავლებელში. 1962 წლიდან სოფელ ზანის საშუალო სკოლის უფროსი პიონერხელმძღვანელია. 1963 წლიდან კი პიონერთა სახლის წრის ხელმძღვანელი. 1964 წელს დაინიშნა მეორე საშუალო სკოლის უფროსი პიონერხელმძღვანელად, ამავე პერიოდში ირჩევენ საკავშირო ყრილობის დელეგატად. 1967 წელს ა. წურწუშიას სახელობის პიონერთა და მოსწავლეთა რაიონული სახლის დირექტორის მოადგილის თანამდებობას იკავებს, ამავე დროს პიონერთა რაიონული საბჭოს თავმჯდომარე, ორგზის საქართველოს ალკ ყრილობის დელეგატი. 1982 წლიდან მხატვრული კითხვის წრის ხელმძღვანელი. ამასთან ადგილობრივი რადიოს საბავშვო გადაცემათა მთავარი რედაქტორი. შემდეგ ხალიჩების კომბინატის კადრების განყოფილების უფროსი. 1989-1994 წლებში სახალხო განათლების კადრების ინსპექტორი. 1995-99 წლებში აკაკი ხორავას სახელობის სენაკის სახელმწიფო დრამატული

თეატრის დირექტორის მოადგილე. 2010 წელს წარმატებული პედაგოგიური საქმიანობისათვის დაჯილდოვდა საგანმანათლებლო რესურსცენტრის სიგელით.

ქალბატონ მზიას საოჯახო არქივი უხვად ინახავს მისი ღვაწლის დაფასება-აღიარების მაუწყებელ ჟილდოებს. ასე მაგალითად, საიუბილეო მედალს შრომითი მამაცობისათვის, რესპუბლიკის სახალხო განათლების წარჩინებულის სამკერდო ნიშნით, ოქროს მედალსა და პირველი ხარისხის დიპლომს საქართველოს მოსწავლეთა მხატვრული თვითმოქმედების მერვე რესპუბლიკური ოლიმპიადის მომზადებისა და აქტიური მონაწილეობისათვის, განათლების სამინისტროს უმაღლესი სკოლებისა და სამეცნიერო დაწესებულებების მუშაკთა პროფკავშირების საქართველოს რესპუბლიკური კომიტეტის სიგელს ინტერნაციონალური აღზრდის საქმეში მოპოვებული წარმატებისათვის, პირველი ხარისხის დიპლომს რესპუბლიკურ კონკურსში „კითხულობს მასწავლებელი“

გამარჯვებისათვის, მინიჭებული აქვს მხატვრული კითხვის ოსტატის ნოდება, იყო არაერთი რაიონული ღონისძიების ავტორი. წლების მანძილზე (17 წელი) ასრულებდა რაიონული სასამართლოს მსაჯულს ფუნქციას.

2013 წელს ქალბატონ მზიას მუნიციპალიტეტმა დამსახურებულად 70 წლის იუბილე გადაუხადა. მას აქეთ წლები თვალსა და ხელს შუა უჩუმრად გაპარულა, კალენდარზე კი 80 წელი მარცვალ-მარცვალ ჩამომარცვლილა. ჩვენი რესპოდენტი კი დრო-ჟამთან ჭიდილში გამობრძმედილი ენერგიულად მიუყვება გზას ცხოვრებისას. იგი წლებია მეშვიდე საჯარო სკოლის სახვითი და გამოყენებითი ხელოვნების მასწავლებელია, ამასთან სხვა აქტივობებითაც ინტერესდება. ასე მაგალითად: აღნიშნულ სკოლის მიმდინარე ახალი სასწავლო წლის საზეიმო ღონისძიება ისე დაუგეგმავს, რომ მონვეული სტუმრების აღფრთოვანება გამოუწვევია.

ქალბატონო მზია, იქნებ თქვენს სულში ჩაიხედოთ და გვითხრათ ვინ არის მზია ბარქაია?

ჩემი განვლილი 80 წელი ის სიმაღლეა, საიდანაც ჩანს განვლილი გზის ძირითადი მონაკვეთები, ცხოვრებისეული სირთულეები, წარმატებები. დროს არ ჩამოვრჩენილვარ, წელთა სიმრავლეს არ ვეპუებოდი, ყოველთვის ვპასუხობდი მოთხოვნებს, ერთგულებით, პატიოსნებით, უხმაუროდ, თავდადებული საქმიანობით, რათა საკუთარი წვლილი შემეტანა მოსწავლე-ახალგაზრდობის აღზრდასა და დიდ სახელმწიფოებრივ საქმეში.

თქვენი ცხოვრებისეული გზა მრავალფეროვანია, გვანტერესებს თქვენი საბავშვო და თოჯინების თეატრის ფესვები, იდეა როდის გაგიჩნდათ და მისი ხორცშესხმა როგორ განავითარეთ?

ჩემი ცხოვრების გზა მართლაც მრავალფეროვანია, 1995 წლის 15 მაისს და-



2010 წლიდან ვმუშაობ სენაკის №7 საჯარო სკოლაში. მისვლისთანავე გავხსენი თოჯინების თეატრი. დავდგი სპექტაკლი „ძალა ერთობაშია“-ჩემი ავტორობით. მუსიკალური გაფორმება ლიკა ნარსიას ეკუთვნის.

ხომ ვერ გაიხსენებთ ბავშვობის წლებს? სამი კლასი დავამთავრე ცხაკაიას მე-

რია, მიშა ქურდოვანიძე, ჩემი პირველი მასწავლებელი დუნია კეკუსაძე...

თქვენი თაობისათვის წიგნი რა „ხილი“ იყო?

ჩვენი თაობისათვის წიგნი „ცოდნის თავწყარო“ იყო და იქნება მუდამ.

ამ გადმოსახედიდან რა შეგიძლიათ უთხრათ თანამედროვე ახალგაზრდობას?

მე შემიძლია ამ გადმოსახედიდან ვუთხრა თანამედროვე ახალგაზრდობას, რომ უნდა იზრუნონ ნათელი კვალისთვის. ყოველი დროება და ეპოქა-ერს, ხალხს, ახალ მოთხოვნებს უყენებს, თუ ერი ამ დროებას და ეპოქას ჩამორჩა, იგი ძველ ღირსებასაც კარგავს. ერი, ხალხი, ყოველთვის უნდა იბრძოდეს უკეთესობისათვის, წინსვლისათვის, სამშობლო ხალხია, სწორედ სიკეთე განსაზღვრავს სამშობლოს ღირსებასაც. რამდენადაც ხალხი კარგია, შრომისმოყვარე, განათლებული, მოაზროვნე, კეთილი, სათნო, შემოქმედი, გუ-

ბის აღზრდის საქმეს. უსაზღვროდ მიყვარს ჩემი მოსწავლეები... ჩემი ქვეყანა, ჩემი სენაკი.

უდიდეს პატივს ვცემ საზოგადოების აზრს. საზოგადოების აზრზე მაღალი



ვინიშნე სენაკის აკაკი ხორავას სახელობის სახელმწიფო დრამატული თეატრის დირექტორის მოადგილე. ერთ მშვენიერ დღეს, თეატრის მიმდებარე ეზოში შევნიშნე ბავშვები თამაშობდნენ, მიუახლოვდი, გავესაუბრე და შევთავაზე კვირაში ორი დღე მესწავლებინა გამომეტყველებითი კითხვა. ასე გავხსენი თეატრში დირექტორთან შეთანხმებით, ანაზღაურების გარეშე თეატრალური სექტორი. ბავშვების სიხარულს საზღვარი არ ჰქონდა, მეც მათთან ერთად ვხარობდი. ასე დავდგი გ.ჭიჭინაძის ორ სურათიანი „გუგულის ბარტყი“ – პროლოგად გაზაფხული უძლოდა. მონაწილეობდა 30 მოსწავლე. დირექციისა და მასწავლებლის მადლობა დავიმსახურეთ.

ორე საშუალო სკოლაში. მეოთხე-მეხუთე კლასი ზუგდიდის მეორე საშუალო სკოლაში, საშუალო განათლება კი მივიღე ცხაკაიას პირველ სკოლაში.

ის ადამიანები ვინ არიან, რომლებმაც თქვენში რიდისა და მონივნების გრძნობა დატოვეს?

ბევრნი არიან ის ადამიანები, რომლებმაც ჩემში რიდისა და მონივნების გრძნობა დატოვეს. ჩამოთვლა იქნებ ყველასი ვერ შევძლო. ვეცდები, მაინც ჩამოვთვალო: ქალბატონი ელენე ადამია, ლამარა რატიანი, ნინა გუგუნავა, ვლადიმერ დავითაია, ნოე შონია, აკაკი განგია, კალისტრატე შარტავა, ზურაბ ხოჭოლავა, ბონდო უჩაიანი, ლირა ჯღარკავა, აზა მატახე-



ლადი, პურადი-იმდენად სამშობლო ძლიერია. ამიტომ ვეცადოთ ნათელი კვალი დავტოვოთ.

რა არის ის უმთავრესი, რაც 80 წლის მანძილზე გიტარებიათ და დღესაც ძალას გმატებთ?

ჩემთვის უმთავრესია ღირსება, რაც 80 წლის მანძილზე მიტარებია, რაც დღესაც ძალას მმატებს ვემსახურე ახალგაზრდე-

თა სიყვარული და სითბო თქვენსკენა მართული, რათა მათი დარი გოგო-ბიჭები კვლავაც ზარდოთ.

ქალბატონო მზია! ჩვენი რედაქციის სახელით გილოცავთ 80 წლის იუბილეს, თქვენი დღეგრძელობა იყოს თქვენი მრავაჟამიერი!

ენიო სართანია

საინტერესო აქტივობებს გპირდებით



ცოტნე ეჯიბია თბილისის ივანე ჯავახიშვილის სახელობის სახელმწიფო უნივერსიტეტის სოციალურ-პოლიტიკურ მეცნიერებათა ფაკულტეტის (პოლიტიკური მეცნიერება) II კურსის სტუდენტია. არის 100% გრანტის მფლობელი, არაერთი საუნივერსიტეტო და სამოქალაქო პროექტის, საერთაშორისო კონფერენციის, ესსეების კონკურსის გამარჯვებული.

ახლახან სამოქალაქო ბიუჯეტების პროგრამის ფარგლებში გაიმარჯვა მისმა ინიციატივამ გაზეთ „კოლხეთის“ ძველი ნომრების გაციფრულებასთან დაკავშირებით. ახლო მომავალში მიემგზავრება გერმანიაში გაეროს მოდელირების ზამთრის სესიაზე, როგორც სააუქციონო დელეგატი.

სექტემბრის დასაწყისში ცოტნე იმყოფებოდა პორტუგალიაში UEFA-ს ჩართულობით ორგანიზებულ კომპიუტერული სპორტის ევროპის ჩემპიონატზე დელეგატის რანგში.

ალსანიშნავია ის ფაქტი, რომ ნიჭიერი ახალგაზრდა კარგად უთავსებს ერთმანეთს სწავლას, მნიშვნელოვან პროექტებში მონაწილეობას და სპორტულ აქტივობას.

სენაკელი ახალგაზრდა შთაბეჭდილებებს გვიზიარებს და კომპიუტერული სპორტის სამომავლო პერსპექტივებზე საუბრობს.

რამდენადაც ჩვენთვის ცნობილია, თქვენ იმყოფებით პორტუგალიის ქალაქ პორტოში ევროპის ჩემპიონატზე, კომპიუტერულ ფეხბურთში, როგორც დელეგატი. გვიამბეთ მოკლედ ამ ვიზიტის შესახებ.

7-9 სექტემბრის შუალედში, ქალაქ პორტოში მიმდინარეობდა მსოფლიოს ერთ-ერთი უმსხვილესი საფეხბურთო სამიტი "Thinking Football Summit 2023", რომლის პარალელურადაც გაიმართა ევროპის ჩემპიონატი კიბერსპორტულ სახეობა „eFootball“-ში. საერთაშორისო ასპარეზზე ჩვენი ქვეყნის ღირსებას რატი ნანავა იცავდა, რომელმაც ბრინჯაოს მედლის მოპოვება შეძლო, საქართველოს კომპიუტერული სპორტის ფედერაციის დელეგატი კი მე გახლდით.

რა სახის შეხვედრები და თამაშები გაიმართა, ვინ იყვნენ ის ცნობილი სახეები საფეხბურთო სფეროდან, რომლებთანაც შეხვედრის შესაძლებლობა გქონდათ.

სამიტის ფარგლებში გაიმართა შეხვედრები ისეთ ცნობილ სახეებთან, როგორებიც არიან რო-



ბერტო კარლოსი, პატრის ევრა, რიკარდო პერეირა, ესპანეთის "ლა ლიგის" პრეზიდენტი ხავიერ ტეხასი, ფიფასა და უეფას წარმომადგენლები. გარდა პანელური დისკუსიებისა მომეცა შესაძლებლობა დავსწრებოდი სხვადასხვა მასტერ კლასებს, რომლებსაც პროფესიონალი საფეხბურთო მენეჯერები, აგენტები და კლუბების პრეზიდენტები უძღვებოდნენ. რაც შეეხება თამაშებს, პირველ სატურნირო დღეს რატიმ ჯგუფურ ეტაპზე იასპარეზა, რომლის დაძლევაც წარმატებით მოახერხა და ნახევარფინალურ რაუნდში ეს-

პანელ მოთამაშეს დაუპირისპირდა. სამწუხაროდ, ამ უკანასკნელთან მიმე და დაძაბულ ბრძოლაში დავმარცხდი, თუმცა რატიმ შეძლო მესამე ადგილისათვის მატჩში გამარჯვების მოპოვება ლუქსემბურგის წარმომადგენლის წინააღმდეგ.



რა ღირსშესანიშნაობებით გამოირჩევა ქალაქი პორტო?

ჩასვლისთანავე თვალშისაცემი და აღმაფრთოვანებელია ქალაქის არქიტექტურა. თამამად შეგვიძლია ვთქვათ, რომ პორტოს ჭეშმარიტად შენარჩუნებული აქვს პირვანდელი იერსახე. აქ შეხვდებით ისტორიულ შენობა-ნაგებობებს, ტაძრებს, რომლებსაც ყოველდღიურად ათასობით დამთვალიერებელი ჰყავს, თუმცა ძირითად ღირსშესანიშნაობებს მაინც ულამაზეს მდინარეებზე გაშენებული საოცარი ხიდები წარმოადგენს. აგრეთვე, გამოვარჩევი ვინრო ქუჩებსა და ფერადი ფასადებით მოწყობილ სახლებს, რაც დამთვარიელებს პოზიტიურ განწყობას უქმნის.

საერთოდ პორტუგალია მდიდარი ისტორიის მქონე ულამაზესი ქვეყანაა უდუდესი წარსულით, შესანიშნავი არქიტექტურით, ბუნებრივი პარკებით და ნაკრძალებით...

ბაჩანა სართანია

30 წელი სოხუმის დაცემიდან



ზაურ ლომია

50 წელი უშენოდ ზაურ. მენანები, როგორ მენანები – ამ სიტყვებით დამემშვიდობე. 28 წლის ასაკში მომარგე ქვრივის მანდილი. მწარედ დავეცი როგორც ქალი. ღმერთმა გამაძლიერა როგორც დედა. მიზნად დავისახე, რომ გამეზარდა 2-წელ ნახევრის და წლინახევრის შვილები, კახა და გია ლომიები კარგად აღამიანებად – პირნათლად შევასრულე. ყოველთვის ვფიქრობდი სიკეთე მეკეთებია, მხოლოდ სიკეთე, სადაც არ ვიმყოფებოდი, სახლში თუ სამსახურში.



უჩინარი იდუმალეა ყურში ჩამჩურჩულებდა. „ის აქ არის“. „ის“-შენ იყავი ზაურ, ასე გატარე ჩემს გვერდით წლები, გიბრუნებ შენს სიტყვებს - მენანები, როგორ მენანები, რომ ვერ ნახე შენი შვილების დაოჯახება... გყავს კარგი შვილიშვილები: თამუნა, ზუკა და ლუკა ლომიები, შვილთაშვილები ანასტასია და ნინი ვახანიები. თუ, არადა როგორი კარგი მამა და ბაბუა იქნებოდი ჩემო კარგო აღამიანო. დავიხარე ჩემი პატიოსანი შრომით, ზნეობით და ღირსებით. შევძელი კი ჭეშმარიტად?

ეს განსაჯონ ჩვენმა ნათესავებმა და სენაკელებმა.
გული გუზუნაბა-ლომია

სარედაქციო აკოლავია
მთავარი რედაქტორი ნინო სართანია
რედაქტორი მელა ბალათურია
კორექტორები: მანა გარბაია, მარია მიქაბერიძე
ეკონომიური სამსახურის სპეციალისტი ჭალიბა ჩაჩიბაია

რედაქციის მისამართი:
სანაი, ჭავჭავაძის ქ. №103, ტელ: 276150
რედაქცია ხელმძღვანელობს თაზისუფალი ჰრანის ჰრიცივიძით, არ გამოხატავს პოლიტიკური და საზოგადოებრივი ორგანიზაციის იტარებას.
ინტელისტი 66529

რეგისტრირებულია სანაის სასამართლოში
რეგისტრაციის №56/7-17
გაზეთი აკოლავია აიფო, დაახლოვდა და ოფსეტური წესით დაიბეჭდა შპს „სოლი 25“
ქ. ქუთაისი, ილია ჭავჭავაძის გამზ. 33
ტელ: 223779, 223711, 223499